



GIPUZKOA



ETA EUROPAR BATASUNA

156. INFORMAZIO BULETINA

> 2020ko ekaina



Europar Batasuna
Unión Europea

Fondo Europeo de
Desarrollo Regional (FEDER)
"Una manera de hacer Europa"

Eskualde Garapenerako
Europar Funtza (EGEF)
"Europa egiteko modu bat"

GIPUZKOA



NABARMENDU BEHARREKOA

> **SOMAprbes startupak, BIC Gipuzkoak lagunduta, 3,4 milioi lortu ditu Europako Batzordetik Covid-19 sintoma arinen testa bultzatzeko**

Europako Batzordeak SOMAprbes startup gipuzkoarraren proiektua hautatu du, haren garapena bizkortzeko eta Covid-19aren aurkako borrokan tresna berriak izateko. Corona-Test diagnostiko-metodo paregabea da, oso erabilerraza delako, sintomarik ez duten edo koronabirusaren sintoma arinak dituzten pazienteak detektatzeko gaitasuna duelako eta azkarra delako. SOMAprbesen proiektua aurkeztu diren 1.500 bat proiektuen artean Europako agintariek hautatutako 36 proiektuetako bat da. 1,4 milioi euroko dirulaguntza jasoko du, eta 2 milioi euro arteko equity modalitateko inbertsioa egiteko aukera. Horren guztiaren helburua da urtebete baino lehenago diagnostiko-metodo azkarra, erraza eta ekonomikoa edukitzea, koronabirusaren balizko berragerraldien aurrean erabiltzeko.

Corona-Test gailu erabilerraza da, haurdunaldi-proba baten antzekoa, eta pertsonaren listutik abiatuta egiten da, osasun-langile espezializatuen esku-hartzerik behar izan gabe. Probaren emaitza 45 minututan eskaintzen du, eta pazienteak sintomak garatu aurreko egunetan eta infekzioaren lehen 5 egunetara arte diagnostikatzeko aukera ematen du. Horrek egungoa bezalako pandemien prebentzioa eta kontrola errazten du.

Produktua SOMAprbesen jabetzako biomarkatzaile batean oinarrituta dago, eta gaixotasun infekzioso batzuk modu oso zehatzean identifikatzeko aukera ematen du, horien artean bakterioek eta birusek eragindako gaixotasun asko. Covid-19aren aurkako borrokara azkar egokitu da mundu mailan zientzialari eta ikertzaileen artean izan den lankidetzari esker eta koronabirusak SOMAprbesen sepsia detektatzeko erabiltzen denaren oso antzeko markatzailea duelako. Prozesu horretan, SOMAprbesen fundatzailekide eta zuzendari zientifiko Frank Hernándezek aitortu duenez, "erabakigarria izan da Eusko Jaurlaritzako Osasun Sailaren eta Osakidetzaren laguntza eta Berrikuntza + Ikerketa + Osasuna Eusko Fundazioak (BIOEF) koordinatutako osasun-ikerketako hiru institutuen parte-hartzea, baita Kutxa Fundazioak eta Gipuzkoako Foru Aldundiak osatutako Biozientzia Gipuzkoa Fundazioak Covid ekimenetarako emandako ohiz kanpoko finantzaketa ere".

Gaur egun, SOMAprbes Corona-Testaren saiakuntza klinika egiten ari da Bizkaiko Gurutzetako Ospitalean, bi fasetan: hasierakoa, 200 pazienterekin, eta hurrengoa, 5.000 pazienterekin. Gailu horiek merkatuan erabilgarri izateko urtebeteko epea zenbatetsi badute ere, Frank Hernándezek ziurtatu duenez, "epe horiek aurreratzen saiatzen ari gara, udazkenean ospitaleak berriz kolapsatu litzakeen bigarren bolada bat izanez gero prest egoteko. Urtea amaitu baino lehen produktu bat eduki nahi dugu, eta Europako Batzordearen laguntza funtsezkoa izango da helburu hori lortzeko".



SOMAprobesek garatutako soluzio diagnostikoak eskaintzen dituen abantailen ondorioz, Europako Batzordeak bere proiektua hautatu du, Covid-19aren aurkako borrokara bideratutako proiektuak bultzatzeko ohiz kanpoko deialdi baten esparruan haren garapena bizkortzeko. 1.500 proiektu aurkeztu ziren eta 36 hautatu dituzte.

SOMAprobesek 3,4 milioi euroko laguntzak jasoko ditu bere detekzio-testaren merkaturatzea bizkortzeko. Oraingoz, enpresak 1,4 milioi euroko dirulaguntza jaso du, eta, proiektuak aurrera egiteko zenbait baldintza betetzen dituen kontuan hartuta, Europako Batzordeak beste 2 milioi euro arteko inbertsioa egingo du enpresaren hazkundea indartzeko.

SOMAprobesen talde fundatzailearen iritziz, laguntza horrek "enpresak garatutako teknologiaren kalitatea aintzatesten du eta maila globalean lehiatzen laguntzen digu". Frank Hernándezzek aitortu duenez, gisa horretako laguntzak erakusten hasi dira "Gipuzkoan enpresa bioteknologikoak garatzeko ingurune egokia dugula eta maila globalean eragina duen kalitatezko zientzia egin dezakegula. Guretzat funtsezkoa izan da Gipuzkoako Foru Aldundiaren, Eusko Jaurlaritzako Osasun Sailaren, BIOEFen, Euskal Autonomia Erkidegoko osasun-institutuen eta BIC Gipuzkoaren laguntza, besteak beste, baita unibertsitate-ospitaleetatik hurbil egotea ere".

SOMAprobes startup bioteknologiko bat da, BIC Gipuzkoako bioinkubagailuan kokatua, Miramon Parke Teknologikoan. Enpresa 2014an sortu zen (SPRIk eta Gipuzkoako Foru Aldundiak finantzatutako Txekintek-Ekintzaile programak lagunduta), egungo diagnostiko-metodoei aurre egiteko eta emaitza zehatzak, azkarrak eta goiztiarrak eskaintzeko helburuarekin. Nukleasen eta azido nukleikoen (DNA eta RNA) biokimikari buruzko ezagutza aplikatzen du tresna diagnostiko berritzaileak garatzeko. Gaur egun, 5 langile ditu, eta datozen hilabeteetan handitzea espero du, produktuen garapena eta merkaturatzea bizkortzeko.

BIC Gipuzkoak bioteknologiaren esparruan lagundutako enpresetako bat da SOMAprobes. BIC Gipuzkoak azken urteotan sektore hori bultzatu izanak 130 proiekturi lagundu die, eta horietatik 69 dagoeneko eratuta eta gaur egun jardunean dauden enpresak dira.

[\(informazio + \)](#)



> **Aldundiak Europako Batzordearekin lanean jarraituko du Gipuzkoako bidesari sistema berriei eman zien bermea blindatzeko**

Batzar Nagusietan egindako azalpenean, Aintzane Oiarbide foru-arduradunak azpimarratu du 6/2018 Foru Araua zehatz-mehatz idatzi zela Europa barneko ardatzetan erabiltzeagatiko ordainketa agintzen duen Europako zuzentarauari jarraituz eta Europako Batzordearen abalak lortu ondoren. Gogorarazi duenez, Foru Arauaren proiektua Europak eskatuta bidali zen, Batzar Nagusietan onartu aurretik, eta Europako Erkidegoko arduradunen placet bat izan zuen.

"Europako Batzordeko teknikariek beraiek esanda, diskriminazioaren bat ikusi izan balute, foru-arau batek ere ez zukeen aldeko irizpenik jasoko."

Sistemaren kontrako epai bat dela eta gertatu da agerraldi hau, eta Aldundiak helegitea aurkezteko asmoa azaldu du.

(informazio +)



> Donostiako Zinemaldiak "WIP Europa" izeneko sari berri baten deialdia zabaldu du, hizkuntza gutxituetako film europarrak bultzatzeko

Jaialdiak sei film hautatzeko epea zabaldu zuen ekainean, eta Zinemaldian zehar aurkeztuko dira zinemagintzaren foro baten aurrean; foro horren sustapenaz gain, 10.000 euroko laguntza jasotzeko aukera izango dute.

WIP Europa Glocal in Progressen bilakaera bat da, Zinemaldiak aurreko edizioetan izan zuen saila, eta 3 film hartzen zituen, guztiak Europako hizkuntza "ez hegemonikoetakoak". Edizio honetan, ezaugarri hori alderdi positibotzat hartzen da, baina atala Europako beste film batzuetara zabaltzen da, kopuruz zabaltzeaz gain. Halaber, positiboki baloratuko da sortzaileen lehen edo bigarren lana izatea.

WIP Europa atala, WIP Latam (Latinoamerikarako) eta bi eremu geografikoak lotzen dituen IX. Koprodukzio Foroarekin batera osatzen du nazioarteko ekimen multzo bat.

(informazio +)



KOHESIO POLITIKA

> Aldundiak enpresa txiki eta ertainen kudeaketa hobetzeko Innobideak-Kudeabide deialdi berria irekia du irailera arte, Euskadiko 2014-2020 EGEF Programa Operatiboaren barruan % 50ean kofinantzatuta

Deialdia ekainaren 10 eta irailaren 25 tartean dago irekia. Kudeaketa Aurreratuko Euskal Ereduarekin lotuta dauden kudeaketa hobetzeko proiektuak finantzatzeko ditu, baldin eta proiektu horiek laguntzen badute Gipuzkoako enpresen lehiakortasuna hobetzen, betiere industria arloko enpresak eta horien ekoizpen prozesuarekin zerikusia duten zerbitzu teknikoekin lotuta daudenak, informazioaren eta komunikazioaren gizartearen esparrukoak, 5 langile edo hortik gora eta 50 langile baino gutxiago dituzten eta Gipuzkoan kudeaketa aurreratua sendotzeko proiektu bat (2B) garatu nahi duten enpresak badira. Programa hau EGEFen (Eskualde Garapenerako Europar Funtsa) kofinantzaketa komunitarioa (% 50) du, 2014-2020ko Euskadiko EGEF Programa Eragilean barruan.

Diputatuen Kontseiluak onartu du "Innobideak-kudeabide" programako dirulaguntzak arautzen dituzten oinarriak eta 2020. urteko deialdia. Guztira, lerro honetara 198.000 euro bideratzeko ditu Aldundiak, eta zenbatekoa handitu ahal izango da, horretarako baldintzak ematen badira. "Innobideak-kudeabide programaren bidez, Gipuzkoako enpresei, bereziki, enpresa txiki eta ertainei, aukera eman nahi zaie enpresaren esparru guztiak hobeto kudeatuta beren lehiakortasuna hobetzeko", azaldu du Eider Mendoza bozeramaileak. Programa hau SPRIk eta Araba, Bizkaia eta Gipuzkoako foru aldundiek modu koordinatuan kudeatzen dute. 2014an, prozesu bat abiatu zuten Eusko Jaurlaritzak eta Arabako, Bizkaiko eta Gipuzkoako foru aldundiek, Euskal Autonomia Erkidegoko enpresen lehiakortasuna bultzatzeko zuen ekimen bat diseinatzeko. Ekimen hori bideratu zen, bereziki, haztea helburu duten eta garapen lehiakorren eta enplegua sortzearen alde jotzen duten enpresen txikien xedera, eta Innobideak-Kudeabide izena eman zitzaion. Programa hau garatzeko oinarria Kudeaketa Aurreratuko Euskal Eredua izango da; eredu hori hainbat erakunderen arteko adostasunaren emaitza da enpresei lehiakortasuna hobetzeko bidean laguntzeko asmoz. Sei elementu hauek hartzen ditu oinarritzat kudeaketa hobetzeko: estrategia, bezeroak, pertsonak, gizartea, berrikuntza eta emaitzak.

Laguntza deialdian parte har dezakete Innobideak-kudeabide programan kudeaketa aurreratuko proiektuak sendotzeko etapan parte hartu nahi duten 5 langile edo hortik gorako eta 50 langile baino gutxiagoko Gipuzkoako enpresek. "Gauden testuinguruan, COVID-19 gaitzak sortu duen ezohizko agertoki honen aurrean, Aldundiak kalitatezko enplegua sortu eta finkatu nahi du lurraldean, enpresa proiektu lehiakorren, eraldatzaileen, jasangarrien (jasangarritasun hirukoitzaren kontzeptua: ekonomia, gizartea eta ingurumena), eta giza proiektuen bidez", esan du Mendozak. Honela, Gipuzkoa Europan desberdintasun maila txikiena duen pertsona komunitatea izaten lagundu nahi du Aldundiak, "eta uste dugu Innobideak-Kudeabide ekimena norabide horretan doala".

(informazio +)



> EUDELeK aldarrikatu du udalek COVID19 aparteko funtsetan parte hartu behar dutela, Euskadiko udalerrietatik suspertze-prozesua bultzatzeko

Euskadiko udalen elkarrearen Batzorde Eragilearen akordio bat izan da Ekonomia Itunaren Batzorde Mistoaren deialdia eskatzea, Estatuarekiko harreman aldebikoaren esparruan, Estatuan eta Europan sustatuko diren COVID ondoko berpizterako ezohiko funtsetan Euskadik izango duen partaidetza zehaztu ahal izateko (Next Generation EB Plana).

EUDELeK eskatzen du oso kontuan hartu behar dela udalen aldarrikapena, hau da, Euskadiko udal guztiek izan behar dutela suspertze sozial eta ekonomikoaren eragile aktibo, eta, beraz, Europak eta Estatuak abian jarriko dituzten aparteko funtsen zati bat jaso behar dutela.

EUDELen elkarteetako eskaera hori helaraziko die Europako kideei, Europako udalerrietako elkarteetako presidenteei. Gorka Urtaran Europako topaketa telematiko batean parte hartu zuen, CMRE-Europako Udalerrien eta Eskualdeen Kontseiluak antolatu eta Emilia-Romagna eskualdeko Stefano Bonnaccini presidenteak zuzendutakoa.

Topaketan, besteak beste, Frantzia, Italia, Alemania, Erresuma Batua, Grezia eta Suediako elkarteetako ordezkariak hartu dute parte, eta baliagarria izan da gizartearen eta ekonomiaren aldetik iraunkorra den suspertze-prozesua bultzatzeko tokiko gobernuek, Europa osoan, udalerri guztietatik, duten funtsezko zeregina indartzeko baterako ikaskuntzak eta ekintza-proposamenak trukatzeko.

[\(+ información\)](#)



> EAE eta Nafarroako gobernuek Hiruko Ituna hitzarmena berritu dute Iparraldeko Euskararen Bulegoarekin, eta baita mugaz gaindiko proiektuetan eta POCTEFA programetan parte hartzeko asmoa

Nafarroako Gobernuak, Eusko Jaurlaritzak eta Iparraldeko Euskararen Erakunde Publikoak hizkuntza politikaren arloan modu koordinatuan lan egiten jarraitzeko konpromisoa berritu dute, Hiruko Ituna Hitzarmenaren bidez.

Nafarroako Jauregian egindako ekitaldi batean, hiru erakundeek 2020ko jarduera-plana aurkeztu dute, 2017an sinatutako hitzarmenetik eratorria, eta bost lan-arlo espezifikotan garatuko da: helduentzako euskara irakastea eta hezkuntza; euskararen erabilera bultzatzea; euskararen aldeko gogoeta bultzatzea; euskararen ikasketak eta corpusa, eta lankidetzaren Europar.

Esparru-hitzarmena 2017-2021 aldian dago indarrean, eta honako helburu nagusi hauek ditu: mugaz gaindiko lankidetzaren garatzea hizkuntza-politikarekin lotutako gaietan, hiru erakundeen arteko harremanak garatzen jarraitzea eta arlo horretako jardunbide egokiak trukatzeko.

Ana Ollo sailburuak adierazi duenez, "Hizkuntza propioak dituzten Europako erkidego eta eskualdeekin elkarlanean aritzeko eta koordinatzeko konpromisoa legegintzaldi honetako Programa Akordioan jasotako akordioa da".

Eurogunearekin edo Euroguneko unibertsitateekin elkarlanean diplomak edo titulu binazionalak sortzeko aukerak aztertuko dira.

Europako esparruko lankidetzari dagokionez, Europako finantzaketa-iturrien esparruan proiektuak aurkeztu jarraitzea eta etorkizuneko POCTEFA programa operatiboetan elkarrekin lan egiten jarraitzea adostu da, hizkuntza-politika lehentasunezko inbertsio gisa integratzeko.

(informazio +)



> **EBko Kontu Auzitegiak AHTren mugaz gaindiko konexioaren atzerapen eta ziurgabetasunen berri eman zuen**

Auzitegiak EBko mugaz gaindiko garraioko hainbat lan-ildo aztertu zituen, eta ohartarazi zuen Ipar Euskal Herriatik eta Gipuzkoatik igarotzen den bideko salgaien garraioa itsas bideen eta errepideen menpe izango dela hamarkadetan zehar, egungo egoera zuzentzen ez bada; izan ere, aurrerapen oso motelak eta sintoma negatiboak daude AHTk korridore horretan izango duen garapenari dagokionez.

Bere ustez, arazoa da Frantziako Estatuari dagokion zatiaren plangintza ez dela datorren hamarkadara arte aurreikusten, eta horrek hazkunde-galera ekar diezakeela eskualdeei, estatuei eta EBri.

Estatu espainiarraren aldean, euskal Y-a 2030 baino lehen amaituko balitz ere, Estatuko beste lurralde batzuekin beste konexio batzuk behar direla nabarmentzen dute.

Auzitegiak gabeziak ikusi ditu mugaz gaindiko lotura horretan ez ezik, beste batzuetan ere, estatuen arteko koordinazioari eta hori bermatzeko Europako Batzordearen kontrolari dagokienez. Euskal Y-aren kasua, Bruselak "argi eta garbi jardun beharko zukeen" adibideetako bat dela uste dute.

Halaber, salgaien trafikoari begira bide-zatiak duen ahalmen eskasari buruzko oharra egin zituzten, batez ere mugatik Bordelera doan bide-zatia berritzen ez bada.

(informazio +)



> Euroeskualdearen inkestaren ondorioak: mugen itxierak eragin handia izan zuten "mugaz gaindiko" herritarren artean

Euskadi-Nafarroa-Akitania Berria Euroeskualdearen online inkesta maiatza eta ekaina bitartean 2.000 pertsonari egin zitzaion; horietatik heren batek egunero zeharkatzen du muga, % 13k lanegunetan eta % 41ek astean behin.

Pertsona horien % 63 "oso kaltetuta" izan zen mugako itxieraren ondorioz.

Arola Urdangarin Euroeskualdeko zuzendariak azaldu duenez, 4.000 dira mugaz gaindiko langileak, gehienak Frantziako Estatutik etorritakoak.

Urdangarinek Espainiako Parlamentuko Diputatuen Kongresuaren Berreraikitzeke Batzordearen EBko lantaldean aurkeztu zituen ondorioak.

Familia-, hezkuntza- edo osasun-eremuan, mugaz gaindiko proiektuetan eta jatorri administratiboko disfuntzioetan duen eragina zehaztu zuen.

Nabarmendu zuenez, Euroeskualdeko txandakako presidentearen, Iñigo Urkullu lehendakariaren, gutunak ez zuen Espainiako eta Frantziako gobernuen erantzunik jaso; gutun horretan anomaliatzat jo zen mugako itxieren arintzea ez planifikatzea, eta eragin horiek ere azaldu ziren.

(informazio +)



EUROPA 2020 ESTRATEGIA

> **Gipuzkoako Foru Aldundiak Smart Mobility Industry programa egokitu du EBk zehaztutako kontzeptuen, eta finantzagarriak diren arloen arabera**

Programa berrikusi da, diruz lagun daitezkeen xedeak errazago ulertzeko, Europako araudiarekin hobeto bat etortzeko eta Covid-19aren ondoriozko egoera ekonomikoetara egokitzeko. Enpresek gehien eskatzen zuten aldaketetako bat diruz lagun daitezkeen kasuak aldatzea zen, hartara Europako erregelamenduaren kasuetara egokitzeko. Erregelamendu horrek zenbait laguntza-kategoria bateragarritzat jotzen ditu barne-merkatuarekin. Aldundiak azaldu duenez, horrela lehen laguntzetara iritsi ezin ziren enpresak sartu ahal izango dira. Eskaerak aurkezteko epea 40 egun naturalekoa izango da, deialdia Gipuzkoako Aldizkari Ofizialean argitaratu eta hurrengo egunetik aurrera zenbatzen hasita.

Foru Aldundiak Smart Mobility Industry programaren urteko deialdia jarri du abian. Guztira, 870.000 euro bideratuko dira programa horretara, Gipuzkoako enpresaren eraldaketa bultzatzeko, jarduera elektromugikortasunaren, energiaren biltegitratzearen eta ibilgailu autonomoaren jarduera-sektoreekin lotutako negozio nitxo berrietara bideratuz. Lehendik dagoen enpresa ehunari lagundu nahi zaio, dibertsifikazio eta egokitzapen gaitasuna indartuz erronka eta behar berriei aurre egiteko "potentzial handiko" sektore batean, non Gipuzkoa "ondo kokatuta" dagoen, Imanol Lasa Ekonomia Sustapen, Turismo eta Landa Inguruneko diputatuaren arabera: "Oraina kudeatzeko eta egungo krisiaren larrialdiei erantzuteko garaia da, baina baita etorkizuna prestatzekoa ere".

(informazio +)



> **Gipuzkoako Foru Aldundiak eta Surfrider Foundation Europek lankidetza berriak sinatu dituzte, Europako Ingurumen Agentziaren itsas garbiketako protokoloari eta EBren LIFE LEMA programaren ildoei jarraituz**

José Ignacio Asensio Ingurumen diputatuak eta Florent Marcoux, Surfrider Foundation Europe, -eko zuzendaria denak, lankidetza hitzarmena sinatu dute Gipuzkoako Foru Aldundian, Gipuzkoako kostaldean itsasoko zaborra egotearen inguruan herritarren prebentzio eta kontzientziazioan aurrera egiteko. Hainbat kanpaina egingo dira, Gipuzkoako kostaldean itsasoko zaborrak duen presentziaren azterketa zientifikoa egiteaz gain (boluntarioen parte-hartzearen bidez egina), herritarrei itsasoko zaborrarekin lotutako arazoen berri emateko eta horien prebentzioan jarduteko.

Itsasoko hainbat zabor bilduko dira, OSPAR protokoloaren bidez, eta beste bi Europako Ingurumen Agentziak ezarritako Marine Litter Watch protokoloaren bidez, Euskal Kostaldeko Geoparkearen barruan, Sakoneta eta Baratzarrak-en, zehazki.

Ingurumenaren Europako Agentziaren (EEA) arabera, urtero 10 milioi tona zabor gelditzen dira munduko itsaso eta ozeanoetan.

Gipuzkoako Foru Aldundiko Ingurumen Departamentua LIFE LEMA programa europarrean ari da lanean 2016tik. Programa horrek itsas zabor flotatzaileak eraginkortasunez kudeatzen laguntzen du, eta hondakin horien 100 tona biltzen ditu Gipuzkoan eta Pirinio Atlantikoetako eskualdean. Proiektu hau Gipuzkoako Foru Aldundia buru duten 6 bazkidek osatutako nazioarteko lantalde batek osatzen du.

(informazio +)



> **Ekomodok eta bere birziklatutako plastikozko osagarriek 2020ko Europako Ingurumen Saria jaso zuten Euskadirako sailean eta Ekonomia Zirkularreko kategorian; SmartCompok irabazi zuen "garapen jasangarria" atalean**

Ingurumenaren Mundu Egunarekin batera, Europako Batzordearen 2020ko Ingurumen Sariak irabazi zituzten enpresen zerrenda argitaratu zen, Euskadirako atalean. Horien artean Gipuzkoako bi enpresa nabarmendu ziren, Compo Global Solutions eta Ekomodo.

Azken hori izan zen Ekonomia Zirkularren kategoriako irabazlea, hondakin plastiko birziklatuetatik abiatuta diseinuko osagarriak eta osagarriak prestatzeagatik. Eko-REC (ekonomia zirkularra lantzen duen Gipuzkoako industria-enpresa) taldearen spin-off bat da, eta Europako erreferente bakarra da plastikozko botilen birziklatzea eta material hori elikadurarako, automobilgintzarako edo ehungintzarako produktu "arduratsu" bihurtzea uztartzeari dagokionez.

Ekomodo gadget elektronikoetarako zorroetatik karpeta, poltsa edo estutxeetara doazen produktuen ekodiseinuan oinarritzen da. Produktu horiek bazterketa-arriskuan dauden pertsonak enplegatzen dituzten tailerretan egiten dira.

Ekomodok Gipuzkoako Foru Aldundiaren, SPRIren, Donostiako Sustapenaren, Adegiren eta GK Recycling eta GK Green Fashion moda iraunkorreko klusterren laguntza izan zuen.

"Garapen jasangarriko prozesua" kategorian, Arrasateko Compo Global Solutions enpresak irabazi du enpresa txiki eta txikientzako saria, SmartCompo marka erabiliz. Bere konpostaje-teknologia berritzailea saritu zen. Enpresak konpostaje-prozesua hobetzea proposatu zuen, mota guztietako azpiproduktu organikoak balorizatzea ahalbidetzen duen teknologia berritzaile baten bidez. Irtenbide horren helburua da material horien tratamenduaren ingurumen-inpaktua murriztea eta ongarri mineralak ordezkatzeko kalitate handiko ongarri organikoak sortzea.

(informazio +)



> **SPEAREk, CIC nanoGUNEk koordinatutako proiektuak, Europako Batzordearen 4 milioi izango ditu informazioa kodetzeko magnetismo atomikoaren erabilera ikertzeko**

CIC nanoGUNEk SPEAR proiektua koordinatzen du. Proiektu horren bidez, hurrengo belaunaldirako konputaziorako memoriaren eta prozesadoreen material berriak aztertu nahi dira, Europako bost erakunde akademikorekin (CEA-Frantzia, ETH Zurich-Suitza, IMEC-Belgika, U. Hanburg-Alemania, Martin Luther University Halle-Alemania) eta hiru enpresarekin (ANTAIOS-Frantzia, QZabre-Suitza, NanOsc-Suedia) elkarlanean.

Europako Batzordeak SPEAR proiektua aukeratu du ITN programaren barruan finantzatzeko. Proiektuak 4 urteko iraupena izango du, eta 4 milioi euro inguru jasoko ditu. Batez ere, doktoratu aurreko 15 ikertzaile kontratatuzko eta horiei goi-mailako prestakuntza eskaintzeko erabiliko da diru hori. Fèlix Casanova, nanoGUNEko Nanogailuak taldeko Ikerbasque ikertzailea, da SPEAR proiektuaren burua.

Proiektuaren arduradunak nanoGUNEan adierazi duenez, "ikerketaren helburua da spin-orbita lotura sendoa duten material berriak bilatzea; material horiekin lotutako fenomeno berriak aztertzea; eta fenomeno horietan oinarritutako gailuak garatzea, hurrengo belaunaldiko konputaziorako memoriatarako eta prozesadoretarako". "RAM memoria konbentzionalean ez bezala, hurrengo belaunaldian, hala nola MRAM memorian (Magnetic Random Access Memory), datuak ez dira karga elektriko edo korrante-fluxu gisa biltegitzen, baizik eta biltegitatze magnetikoko elementuen bidez. Era berean, gaur egun siliziozko transistoreak dituzten mikroprozesadoreak ordezkatzeko zenbait teknologia ditugu, hala nola spin-logika edo MESO logika, ikaskuntza automatikoa edo konputazio neuromorfikoa, material berri horiez baliatuko liratekeenak".

Donostiako CIC nanoGUNE Nanozientziako Ikerketa Zentro Kooperatiboa xede honekin sortu zen: nanozientziaren eta nanoteknologiaren alorrean bikaintasuneko ikerketa egitea, Euskal Herriaren garapen ekonomikoa eta lehiakortasuna areagotzeko. NanoGUNE Ikerkuntzaren eta Teknologiaren Euskal Aliantzako (BRTA) kidea da eta María de Maeztu Bikaintasun Unitatea da, Ikerketako Estatu Agentziak hala aitortuta.

(informazio +)



> **Itsaso udalerriak Europar Batasuneko "herri adimendunen" edo Smart Villagesen programan sartzeko txostena aurkeztu du**

Helburua da beren burua ezagutaraztea eta lankidetzak berriak sortzea EBko antzeko populazioekin. Estatu espainiarraren barruan herri txiki bat baino ez da hautatuko, eta Urola Garaiko Udalak txosten bat eskatu du esku artean dituen etorkizuneko balioak eta proiektuak nabarmentzeko.

Aktibo horien artean nekazaritza ekologikoaren ekoizleen kolektiboa, egiten ari den ingurumen-hausnarketa, banda zabaleko konektibitatea, herritarren parte-hartzea eta gizarte-harremanak nabarmendu ziren.

5 aktiboekin batera, aurrekoekin lotutako 5 proiektu aurkeztu zituen, hala nola, lehen sektoreko salmentarako eta eraldaketarako lankidetzak-zentroak, edo lurren salerosketarako zentroak; erabilera anitzeko beste zentro bat; jasangarritasun energetikoko ekimenak, hala nola eguzki-plakak edo bidegorria; etxebizitza-premien azterketa bat, eta coworking eta ekintzailetzaren arloko aurrerapenak, besteak beste.

(informazio +)



> Lander enpresa gipuzkoarra, Europako liderra tranbien simulagailuetan, Singapur eta beste herrialdeetara hedatu da SPRIren programa den Haziteki eta Eusko Jaurlaritzari esker, EGEFen % 50eko kofinantzaketarekin

Lander Simulationek bere gidaritza-simulagailuen teknologian urrats berriak emateko SPRI Taldeak bultzatutako Haziteki programan parte hartu du. Euskal enpresen I+G sustatzeko tresna, aktibo, laguntza, lantalde eta aliantzei buruzko informazioa eskuragarri dago hemen.

Singapurreko hiri-estatuan gidatzeko baimena eskatzen duten pertsonak zenbait proba egin beharko dituzte Euskadin sortutako simulagailuetan, azken azterketa praktikoa egin aurretik. 375 simulagailu mundu osoan zehar dituen Lander Simulation & Training Solutions enpresa donostiarraren erantzunak aukera eman du Asiako hiriko Zirkulazio-Poliziaren araudi berria betetzeko. Araudi horrek trafiko-simulazioetan parte hartzeri behartzen du orain, etorkizuneko gidariak errepidera irten aurretik.

Hau ez da Lander Simulationen lehen gidaritza-proiektua. Aurtengo urtariletik, Turingiako (Alemania) poliziak enpresa horren simulagailuak ditu haien akademian. Simulagailu berriak larrialdietan gidatzeko gai diren poliziak prestatu nahi ditu, ezin baitute horrelako probarik egin errepide errealean. Lander Simulationen gailuak horrelako testuinguruetan lortzen diren abiadura handiak erreplikatzeko, baita une horretan aktibatu behar dituzten elementuak ere (sirena, argiak, irratia, etab.).

Konpainiak Estatuko automobilgintzaren sektore hasi zituen simulagailuen instalazioak, eta, ondoren, Euskotrenen, Renferen, Metro Bilbaoren eta beste enpresa batzuen proiektuekin trenbide-eremuan sartu zen. Ordutik, Lander Simulationek atzerrira aurrera pausoa eman du, lehenengo Latinoamerikan gidatzeko prestakuntzekin, ez bakarrik autoentzat, baita autobusentzat eta beste ibilgailu astun batzuentzat ere. CAFen eskutik, Zeelanda Berriko eta Indiako ekimenetan parte hartu du enpresa honek, eta gaur egun tranbien simulagailuetarako sektorean Europako enpresa liderra da.

[\(informazio +\)](#)



DOKUMENTU INTERESGARRIAK

> Europako Kontuen Auzitegiaren "txosten berezia": garraio-azpiegiturak. Mugaz gaindiko AHT eta Euskal Y-a

"Beharrezkoa da megaproiektuak azkarrago egitea, garraio-sarean emaitzak garaiz lortzeko".

([informazio+](#) - [txostena](#))

> Erresilientzia digitala krisi-garaian: Batzordearen txosten berria

([informazio+](#) - [albistea](#))

([informazio+](#) - [txostenerako sarbidea](#))

> Ekonomia urdina, 2020ko txostena

"Sektore urdinek susperraldian laguntzen dute eta Europako Itun Berderako bidea errazten dute"

([informazio+](#) - [albistea](#))

([informazio+](#) - [txostenerako sarbidea](#))



> Atzerriko diru-laguntzak merkatu bateratuan: Liburu Zuria, Europako Batzordeak onartua

(*informazio+ - albistea*)

(*informazio+ - txostenaren fitxa*)

> Aldaketa demografikoaren eragina Europan: Europako Batzordeak onartutako txostena

(*informazio+ - albistea*)

(*informazio+ - txostena*)



EUROPAKO DEIALDIAK

> Europako Ikerketa Kontseiluaren Horizon 2021 – 2027rako Beken aurrerapena

- Hasierako ikerketa-beka (2014 eta 2018 artean doktoretutako pertsonak). 2021eko urtarrila-martxoa arteko epea.
- Sendotzeko beka (2009 eta 2013 artean doktoretzak). 2021eko urtarrila – Apirila.
- Beka aurreratua. 2021 urtarrila - abuztua.
- "Kontzeptu-probako" bekak: 2021eko urtariletik urrira.

(informazio+)

> Innobideak - Kudeabide Programa Gipuzkoako Foru Aldundia. ETEen kudeaketa lehiakorra

- Kudeaketa eta lehiakortasuna hobetzeko proiektuak
- Kudeaketa Aurreratuko Euskal Ereduaren arabera (finkatzea, 2b fasea)
- Gipuzkoako enpresak
- Industrialak
- Industria-prozesuari lotutako zerbitzu teknikozkoak
- Informazioaren eta komunikazioen gizartea (IKT)
- 5-49 langilekoak
- EGEFek kofinantzatua (% 50), Euskal Autonomia Erkidegoko 2014-2020 aldirako Programa Operatiboan.
- Epea: 20.06.10 – 20.09.25

(informazio+)



> Ekintza Eraldatzaileentzako Europako Saria 2020 (Jasangarritasuna)

- Antolatzaileak:
 - Hiri Jasangarrien Plataforma
 - ICLEI (Jasangarritasunerako Eskualdeko Gobernuen Sare Globala)
 - Eusko Jaurlaritza
 - Aalborg hiria (Danimarka)
 - Eskualdeetako Europako Lantaldea
 - Europako Inbertsio Bankua
- Partaidetzaren, gizarte ekonomia / berrikuntzaren bidez jasangarritasuna eraldatzeko tokiko ekimenak.
- Udalerrien, gizarte-eragileen edo sektore pribatuaren arteko esperientziak partekatzea, lankidetzak sustatzeko.
- GJHetarantz aurrera egiteko tokian-tokiko arlotik eta Parisko Klima Akordiorekin bat eginez.
- Hiria, eskualdea edo gizarte zibileko erakundea, aldaketa sozioekonomiko, kultural eta teknologikorako Euskal Adierazpenaren 15 bideak ezartzen dituenak.
- Zuzkidura: 10.000 euro
- Epea: 2020.07.31

(informazio+)

“EUROPAKO FUNTSAK GIPUZKOAN” webgunea